



Grant Cymunedol Cronfa Ffyniant Gyffredin Llywodraeth y DU

Canllaw Gwneud Cais am Ddyfarniad Lefel Is

Diogelu Data

Dim ond at ddibenion prosesu eich cais am Grant Cymunedol Cronfa Ffyniant Gyffredin Llywodraeth y DU y bydd yr wybodaeth rydych chi'n ei nodi ar y ffurflen yma'n cael ei defnyddio. I ddysgu rhagor am sut y bydd Carfan Datblygu'r Gymuned RhCT Gyda'n Gilydd yn prosesu eich gwybodaeth bersonol, ewch i:

[Diogelu Data | Cyngor Bwrdeistref Sirol Rhondda Cynon Taf \(rctcbc.gov.uk\)](http://www.rctcbc.gov.uk/HysbysiadPreifatrwyddGwasanaeth)

<http://www.rctcbc.gov.uk/HysbysiadPreifatrwyddGwasanaeth>

Diben y canllawiau yma yw egluro a helpu ymgeiswyr i lenwi'r ffurflen gais.

Adran yn y Ffurflen Gais	Canllawiau
Addasrwydd y prosiect	Rhaid cynnal y prosiect o fewn ffiniau Cyngor Bwrdeistref Sirol Rhondda Cynon Taf. Bydd angen i brosiectau fodloni amcanion blaenoriaeth buddsoddi Cymunedau a Lle Cronfa Ffyniant Gyffredin Llywodraeth y DU. Bydd y flaenoriaeth buddsoddi yn galluogi lleoedd i fuddsoddi i adfer eu mannau cymunedol a'u perthnasau a chreu'r sylfeini ar gyfer datblygiad economaidd ar lefel gymdogaeth. Bwriad hyn yw cryfhau gwead cymdeithasol yn y gymuned, gan annog ymdeimlad o falchder yn y gymuned. Dyma'r amcanion – • Cryfhau ein gwead cymdeithasol a mabwysiadu ymdeimlad o falchder lleol, a hynny drwy fuddsoddi mewn gweithgareddau sy'n gwella cysylltiadau corfforol, diwylliannol a chymdeithasol a mynediad at amwynderau, megis isadeiledd cymunedol a mannau gwyrdd lleol, a phrosiectau a gaiff eu harwain gan y gymuned. • Adeiladu cymdogaethau cydnerth, iach a diogel drwy fuddsoddi mewn lleoedd o ansawdd yr hoffai pobl fyw, gweithio, chwarae a dysgu ynddyn nhw, drwy welliannau wedi'u targedu i'r amgylchedd adeiledig a naturiol a dulliau arloesol i atal troseddau. Am ragor o wybodaeth, cyfeiriwch at Gronfa Ffyniant Gyffredin Llywodraeth y DU, yma:

	https://www.gov.uk/government/publications/uk-shared-prosperity-fund-prospectus/uk-shared-prosperity-fund-prospectus Yn Rhondda Cynon Taf Mae Cronfa Ffyniant Gyffredin Llywodraeth y DU ar gael i Gyngor Bwrdeistref Sirol Rhondda Cynon Taf i alluogi lleoedd i fuddsoddi mewn meithrin gallu a chymorth i adfer mannau cymunedol a pherthnasoedd a chreu'r sylfeini ar gyfer gwasanaethau cymdeithasol, datblygiad amgylcheddol, economaidd a diwylliannol ar lefel y gymdogaeth. Mae Cyngor RhCT wedi cyflwyno Grant Cymunedol er mwyn cyflawni'r canlynol: - Adfer ymdeimlad o gymuned, balchder lleol a pherthyn, yn enwedig yn y llefydd ble maen nhw wedi mynd ar goll Rhaid i brosiectau gael eu cyflawni yn ardal Awdurdod Lleol Rhondda Cynon Taf a dylen nhw gyfrannu at un, neu ragor, o'r amcanion a nodir yng Nghynllun Corfforaethol Rhondda Cynon Taf; Gweithio gyda'n Gilydd 2024-2030. Cynllun Corfforaethol y Cyngor Cyngor Bwrdeistref Sirol Rhondda Cynon Taf Dyma nhw: POBL A CHYMUNEDAU - cefnogi a grymuso trigolion a chymunedau Rhondda Cynon Taf i fyw bywydau diogel, iach a boddhaus. GWAITH A BUSNES - helpu i gryfhau a thyfu economi Rhondda Cynon Taf. BYD NATUR A'R AMGYLCHEDD - RhCT gwyrdd a glân sy'n gwella ac yn gwarchod yr amgylchedd a byd natur. DIWYLLIANT A THREFTADAETH - Cydnabod a dathlu gorffennol, presennol a dyfodol RhCT.
Pwy sy'n gymwys i wneud cais?	Mae Cyngor Rhondda Cynon Taf yn sicrhau bod Grant Cymunedol ar gael i sefydliadau dielw personol, sefydliadau yn y Trydydd Sector a Grwpiau Cymunedol, gan gynnwys Cwmnïau Buddiannau Cymunedol a Chwmnïau Cyfyngedig drwy Warant sy'n gallu dangos bod gyda nhw Gyfansoddiad neu Ddogfen Lywodraethol; a Chyfrif Banc yn enw'r sefydliad gydag o leiaf 2 lofnod ar wahân (sydd ddim yn perthyn i'w gilydd).
Faint o arian rydw i'n cael gwneud cais ar ei gyfer?	<u>Dyfarniad Lefel Is - £1,000 i £10,000</u> Gall prosiectau fod yn gyfalaf a/neu'n reffeniw.

Beth yw'r terfynau amser? Am beth gaf i wneud cais?	Bydd rownd ymgeisio'r Dyfarniad Lefel Is yn agor ar 25 Chwefror 2025 ac yn cau ar 14 Mawrth 2025 am 5pm. Yr amserlen ar gyfer y gwariant/gweithgaredd cymwys yw 1 Ebrill 2025 – 31 Mawrth 2026. Rhaid i brosiectau gwblhau pob pryniant ariannol a gweithgaredd erbyn diwedd y flwyddyn ariannol berthnasol. <u>Gwariant posibl - Engbreiffiau yn unig:</u> • Adnoddau ar gyfer prosiectau • Offer – e.e., darnau bach o eitemau y mae modd eu cludo, megis tegell, wrn, peiriant gwnïo • Lluniaeth • Llogi Cyfleusterau • Costau Gweithgareddau Ymgysylltu yn y Gymuned - yn cynnwys staffio ar gyfer sesiynau allanol • Arolygon Effeithlonrwydd ynni • Ymatebion adfer effeithlonrwydd ynni lefel isel – e.e. – ailosod bylbiau golau, deunyddiau i roi tu ôl i reiddiaduron, atalwyr drafft • Cyflogau sefydliadol yn ymwneud yn uniongyrchol â'r gweithgarwch/prosiect - bydd angen adroddiadau cyflogres ariannol llawn os caniateir cyllid ar gyfer costau cyflog • Gwariant cyfalaf – Eitemau mwy – Gweler Adran 5 am fanylion pellach mewn perthynas ag eitemau Cyfalaf Gall ceisiadau gynnwys hyd at 10% o gostau trefniadol megis rheoli prosiect/gweinyddu, costau lleoliad megis cyfleustodau. Bydd pob cais yn cael ei asesu gan banel yn rhan o broses gystadleuol. Cyfeiriwch at y ddogfen Meini Prawf sydd wedi'i ddarparu.
Sut bydd fy nghais yn cael ei brosesu?	Byddwch chi'n derbyn cadarnhad ar ôl i chi gyflwyno eich cais. Bydd pob cais yn cael ei asesu gan banel asesu ar ôl i'r cyfnod ymgeisio ddod i ben. Byddwch chi'n cael gwybod am benderfyniad y panel asesu cyn pen 10 diwrnod gwaith.
Adran 1 Manylion cyswllt	Dyma enw'r person sy'n cwblhau'r cais ar ran y sefydliad. Dylai cyfeiriad a manylion cyswllt fod ar gyfer y sefydliad, nid data personol.

		Dyma'r person y byddwn ni'n cysylltu ag ef yn ystod bob cam o'r broses ymgeisio.
Rhan 2		Dyma enw a manylion cyswllt y sefydliad.
Manylion sefydliad	y	Dylech chi gadarnhau p'un a oes gyda chi'r yswiriant a'r polisïau perthnasol ar waith i gynnal eich prosiect. Efallai y byddwn ni'n gofyn i weld y rhain ar gais, felly sicrhewch fod modd i chi gael gafael ar y dogfennau yma'n hawdd.
Adran 3		Dyma fanylion banc eich sefydliad.
Manylion Banc Sefydliad	y	Rhaid i chi sicrhau bod y manylion yma'n cyd-fynd â'r dystiolaeth rydych chi'n ei darparu yn eich cais, hynny yw, yr un rhif cyfrif a chod didoli.
Adran 4.a.		Dyma enw'r prosiect rydych chi'n gwneud cais amdano.
Enw'r Prosiect		Mae hwn fel arfer yn wahanol i enw'ch sefydliad.
Adran 4.b.		Dyma gynllun eich prosiect. Dywedwch a yw hon yn fenter newydd neu'n cynnal gweithgaredd sy'n bodoli eisoes.
Ar gyfer beth mae angen yr arian?		Rhaid i'ch prosiect fodloni amcanion Cronfa Ffyniant Gyffredin Llywodraeth y DU:
Beth ydych chi'n bwriadu ei wneud?		Cryfhau ein gwead cymdeithasol a mabwysiadu ymdeimlad o falchder lleol, a hynny drwy fuddsoddi mewn gweithgareddau sy'n gwella cysylltiadau corfforol, diwylliannol a chymdeithasol a mynediad at amwynderau, megis isadeiledd cymunedol a mannau gwyrdd lleol, a phrosiectau a gaiff eu harwain gan y gymuned. Mae 10 adran sgorio yn rhan o'r Meini Prawf Asesu.
		<u>Meini Prawf Asesu 1 Tystiolaeth o Angen y Gymuned:</u> Dylech chi ddangos sut rydych chi'n gwybod bod galw am y prosiect yma. Er enghraifft, a gafodd y rheswm ei nodi mewn cyfarfod Rhwydwaith Cymdogaeth neu'n rhan o ymgynghoriad yn y gymuned? Sylwch fod angen yn y gymuned yn wahanol i angen eich sefydliad a rhaid i geisiadau fodloni angen y gymuned. Os ydych chi'n defnyddio arian Cyfalaf, a ydych chi wedi cael archwiliad effeithlonrwydd ynni, er enghraifft? Os felly, darparwch hwn gyda'ch cais.

	<u>Meini Prawf Asesu 2 Gweithgareddau ac Amserlenni:</u> Nodwch fanylion gweithgareddau fydd yn digwydd a'r dyddiadau rydych chi'n bwriadu eu darparu. Yr amserlen ar gyfer y gwariant/gweithgaredd cymwys yw 1 Ebrill 2025 – 31 Mawrth 2026. Rhaid i chi gadarnhau'r holl gyfeiriad(au) ar gyfer eich prosiect. <u>Meini Prawf Asesu 3 Gweithio Mewn Partneriaeth</u> Darparwch fanylion y cydweithio sydd wedi digwydd hyd yn hyn a/neu gydweithio a fydd yn digwydd mewn perthynas â'ch prosiect. Ydych chi'n gweithio ar y cyd â rhywun? Os ydych chi, dylech chi enwi'r holl bartneriaid a chadarnhau mai chi yw'r prif sefydliad sy'n gweithredu ar ran y bartneriaeth honno.
Adran 4.c. Deilliannau	<u>Meini Prawf Asesu 4 Amcanion Cronfa Ffyniant Gyffredin Llywodraeth y DU</u> Dylech chi ddewis yr allbynnau a'r deilliannau perthnasol i'ch prosiect, rhoi rhagamcaniadau a nodi sut rydych chi'n bwriadu cadw a darparu'r dystiolaeth berthnasol. Does dim rhaid <u>i chi ddewis yr holl allbynnau a deilliannau.</u> Rhaid i chi ddewis o leiaf un allbwn/deiliant fesul ffrwd ariannu, e.e. os ydych chi'n gwneud cais am Gyfalaf a Refeniw, dewiswch un ar gyfer pob un. Os mai Cyfalaf yn unig sydd wedi'i gynnwys yn eich cais, dewiswch o'r allbynnau/deilliannau Cyfalaf yn unig. <i>Os ydych chi'n gwneud cais am gyllid Refeniw, mae 'Cyfleoedd gwirfoddoli wedi'u creu o ganlyniad uniongyrchol i gefnogaeth' yn ddeiliant gorfodol.</i> Bydden ni'n disgwyl cynnydd yn nifer y bobl sy'n gwirfoddoli i'ch mudiad o ganlyniad i'r prosiect. Gallai hyn olygu gwirfoddoli i gefnogi gweithgaredd neu'n fwy ffurfiol fel ymddiriedolwr neu aelod bwrdd, er enghraifft. Byddwn ni'n gofyn i chi am dystiolaeth i gefnogi darpariaeth y deilliannau. Felly, mae angen ichi ddweud sut rydych chi'n bwriadu casglu dystiolaeth. Er enghraifft, cofrestri gweithgaredd, ffurflenni cofrestru gwirfoddolwyr, taflenni amser gwirfoddolwyr, lluniau o waith cyfalaf.
4.d.	Dylech adolygu'r blaenoriaethau yng Nghynllun Corfforaethol y Cyngor – 'Gweithio gyda'n Cymunedau – 2025-2030, a thicio unrhyw un sy'n berthnasol.

Chyngor Bwrdeistref Sirol Rhondda Cynon Taf Cyngor Rhondda Cynon Taf	Cynllun Corfforaethol y Cyngor Cyngor Bwrdeistref Sirol Rhondda Cynon Taf
Adran 4.e. Newid yn yr Hinsawdd	<u>Meini Prawf Asesu 5 Newid yn yr Hinsawdd</u> Dylech chi adolygu'r blaenoriaethau yn 'Hinsawdd Ystyriol' Cyngor Bwrdeistref Sirol Rhondda Cynon Taf: Strategaeth Newid yn yr Hinsawdd 2022-25 a dweud wrthon ni sut y bydd eich sefydliad a'ch prosiect yn cyfrannu'n gadarnhaol at newid yn yr hinsawdd a lleihau carbon e.e. cynyddu effeithlonrwydd ynni, sicrhau cyflenwad di-blastig ac ati. Dywedwch beth rydych chi'n ei wneud yn ymarferol i leihau effeithiau negyddol yn yr hinsawdd a chynyddu effeithiau cadarnhaol ar yr hinsawdd. Strategaeth Mynd i'r afael â Newid yn yr Hinsawdd yn RhCT 2022 - 2025) "Hinsawdd Ystyriol" RhCT
Section 4.f. Cydraddoldeb, Amrywiaeth a Chynhwysiant	<u>Meini Prawf Asesu 6 Cydraddoldeb, Amrywiaeth a Chynhwysiant</u> Dylech ddweud sut y bydd eich prosiect yn hyrwyddo cydraddoldeb, amrywiaeth a chynhwysiant, gan gyfeirio'n benodol at hygyrchedd. E.e. darparu fersiynau <i>hawdd i'w darllen</i>, iaith arwyddion, darpariaeth toiledau/mannau newid hygyrch, rhwyddineb mynediad ac allanfa i bobl ag anabledau.
Adran 4.g. Y Gymraeg	<u>Meini Prawf Asesu 7 Y Gymraeg</u> Dylech chi nodi sut y bydd eich prosiect yn croesawu cyfranogwyr drwy'r Gymraeg, e.e. croesawu'r rheiny sy'n cymryd rhan trwy gyfrwng y Gymraeg, darparu arwyddion dwyieithog, bod â staff sy'n medru'r Gymraeg ar y safle; sicrhau bod cyhoeddiadau yn ddwyieithog, cynnal gweithgareddau yn y Gymraeg, ac ati.
4.h. Hanes profedig	<u>Meini Prawf Asesu 8 Hanes Profedig</u> Rhaid i ni fod yn hyderus y bydd unrhyw grantiau a gaiff eu dyfarnu yn cael eu gwario, eu darparu a'u cefnogi gan dystiolaeth yn brydlon ac yn gywir. Dylech chi roi gwybod am brofiad blaenorol o gyflwyno prosiectau a gaiff eu darparu gan grant yn llwyddiannus.

4.i. Cynaliadwyedd, Strategaeth Ymadael ac Etifeddiaeth	<u>Meini Prawf Asesu 9</u> Cynaliadwyedd, Strategaeth Ymadael ac Etifeddiaeth Mae'n bwysig bod effaith eich prosiect yn mynd y tu hwnt i oes y cyllid. Dylech ddisgrifio sut mae'ch sefydliad yn bwriadu parhau â'r datblygiad neu weithgareddau/prosiect am o leiaf 12 mis ar ôl mis Mawrth 2026.
4.j. Caniatâd	Mae angen i ni wybod bod gyda chi'r caniatâd angenrheidiol ar waith i gyflawni eich prosiect. Rhaid i hyn fod ar waith cyn i chi wneud eich cais. Er enghraifft, os ydych chi'n rhentu cyfleuster; a oes gyda chi ganiatâd gan eich landlord i gynnal y gweithgaredd neu i wneud y newidiadau arfaethedig? Bydd raid i chi gyflwyno tystiolaeth o unrhyw ganiatâd fel atodiad gyda'ch ffurflen gais, e.e. cadarnhad ysgrifenedig gan eich landlord. Os ydych chi'n gwneud gwaith cyfalaf, bydd angen i chi wirio a oes angen Caniatâd Cynllunio a chymeradwyaeth Rheoli Adeiladu arnoch chi oherwydd gallai'r rhain ychwanegu costau at eich cynnig. Cliciwch ar y ddolen i wirio - Cynllunio, Eiddo a Rheoli Adeiladu Cyngor Bwrdeistref Sirol Rhondda Cynon Taf
Rhan 5 Costau'r prosiect	<u>Meini Prawf Asesu 10</u> Costau'r prosiect Yn yr adran yma, rhaid i chi ddarparu crynodeb o gostau ar gyfer y flwyddyn ariannol. Rhaid i'r prosiectau ddangos gwerth gwell am arian. Caniateir gwariant cyfalaf a refeniw. Mae gwariant cyfalaf yn ymwneud â gwariant o natur hirdymor, (mae gan y gwariant werth dros nifer o flynyddoedd), lle caiff asedau eu prynu, eu hadeiladu neu eu gwella. 3 dyfynbris neu bris ysgrifenedig a geisir gan gyflenwyr nwyddau, gwaith a / neu wasanaethau perthnasol gwerth dros £2,500. Mae gwariant refeniw fel arfer yn gostau gweithredu parhaus sy'n cael eu defnyddio wrth gynnal eich prosiect. Gall cyfanswm y gost fod yn fwy na chyfanswm y grant rydych chi'n gwneud cais amdano.

	Os yw hynny'n wir, bydd angen ichi nodi o ble y daw'r cyllid ychwanegol yn yr ail dabl ariannol. Mae modd cynnwys uchafswm o 10% i gefnogi costau craidd sefydliadol. Fodd bynnag, ni chaiff cyfanswm y cais am grant fod yn fwy na £10,000. Os yw'ch sefydliad wedi'i gofrestru ar gyfer TAW, fyddwch chi ddim yn cael hawlio TAW. Os nad yw eich sefydliad wedi'i gofrestru ar gyfer TAW, yna mae TAW yn gost prosiect cymwys. Bydd ceisiadau sy'n cynnwys elfen o arian cyfatebol yn cael eu sgorio'n uwch na'r rhai sydd ddim. Cyfeiriwch at y Meini Prawf.
Sut bydd eich grant yn cael ei dalu	Os caiff eich cais ei gymeradwyo, byddwch chi'n derbyn llythyr cynnig drwy e-bost gyda manylion y grant a'i delerau ac amodau. Os ydych chi'n dymuno derbyn y grant bydd angen i chi adolygu, llofnodi a dychwelyd y telerau ac amodau. Yna, bydd taliad yn cael ei wneud i'r cyfrif banc sydd wedi'i nodi ar y ffurflen gais ar ôl derbyn anfoneb am y swm y cytunwyd arno yn eich llythyr cynnig. Bydd taliad yn cael ei wneud i'ch sefydliad ymlaen llaw. Byddwch yn effro i'r ffaith efallai y bydd rhaid ad-dalu'r grant i'r Cyngor pe ne bai'r sefydliad neu'r gweithgarwch arfaethedig yn cydymffurfio â'r telerau ac amodau a/neu'n methu â darparu tystiolaeth o'r deilliannau y cytunwyd arnyn nhw ac sy'n ofynnol.
Adran 6 Rheoli Cymhorthdal y Wladwriaeth	Bydd angen i chi gadarnhau p'un a ydych chi'n bodloni'r diffiniad o fenter ai peidio. Os 'ydw' yw'r ateb i a) neu b), rydych chi'n bodloni'r diffiniad o fenter. Darllenwch, llenwi ac arwyddo'r datganiad yn yr adran Rheoli Cymhorthdal – Cymorth Ariannol Lleiaf yn y ffurflen gais. Os eich ateb yw c), sef dim un o'r uchod, dydych chi ddim yn bodloni'r diffiniad o Fenter - ewch i Adran 7.
Adran 7 Awdurdodiad	Rhaid i'r person sy'n cwblhau eich cais ac un person awdurdodedig arall o'ch sefydliad lofnodi a dyddio'r cais cyn iddo gael ei gyflwyno.
Adran 8 Rhestr wirio	Mae'r adran yma i chi sicrhau eich bod chi wedi cynnwys yr holl wybodaeth berthnasol cyn i chi gyflwyno eich cais. Rhaid i hyn gynnwys darparu cyfansoddiad ffurfiol neu ddogfen lywodraethol (cyfredol ac wedi'i lofnodi) a chadarnhad bod gan eich sefydliad Gorff Llywodraethu (e.e. pwyllgor rheoli, bwrdd) gydag o leiaf 3 aelod.



Funded by  UK Government Wedi ei ariannu gan Llywodraeth y DU

	Mae hwn yn broses gystadleuol. Cadwch at y nifer geiriau ym mhob adran. Darparwch yr holl wybodaeth cyn 14 Mawrth 2025. Gall gwybodaeth sydd ar goll, gwybodaeth anghywir neu ysgrifennu mwy na'r cyfrif geiriau arwain at eich cais yn cael ei wrthod.
--	---

Os oes gyda chi unrhyw ymholiadau pellach sydd heb gael eu nodi yn y canllaw yma, e-bostiwch GrantCymunedolCFfGCBSRhCT@rctcbc.gov.uk neu ffonio **01443 425368**.